



ДОМ НАРОДА

DOM NARODA

ПРЕДСТАВНИЧКИ ДОМ

PREDSTAVNIČKI DOM
ZASTUPNIČKI DOM

Комисија за избор и праћење рада
Агенције за превенцију корупције и
координацију борбе против корупције

Komisija za izbor i praćenje rada
Agencije za prevenciju korupcije i
koordinaciju borbe protiv korupcije

Povjerenstvo za izbor i praćenje rada
Agencije za prevenciju korupcije i
koordinaciju borbe protiv korupcije

Број: 05/8-50-14-218-13/13

Сарајево, 6. 2. 2014.

Z A P I S N I K

13. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 12. 9. 2013., od 14 do 15 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije sazvala je predsjedavajuća Komisije Dušanka Majkić.

Sjednici su prisustvovali sljedeći članovi Komisije: Dušanka Majkić, Borjana Krišto, Beriz Belkić, Staša Košarac, Niko Lozančić, Sulejman Tihić, Milenko Obad i Milorad Vulić.

Opravdano je odsustvovao Mirsad Abazović.

Sjednici su prisustvovali i gosti, kao i predstavnik Sekretarijata Parlamentarne skupštine BiH:

- Sead Lisak, direktor, te Dragan Slipac i Sreto Pekić, zamjenici direktora Agencije za prevenciju korupcije i koordinaciju borbe protiv korupcije,
- Nataša Timotija, Ured za reviziju institucija BiH i
- Jovica Katić, sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije.

Predsjedavajuća je na početku upoznala članove Komisije s predloženim dnevnim redom.

Kako o prijedlogu dnevnog reda nije vođena rasprava, predsjedavajuća je dala na glasanje dnevni red.

Članovi Komisije jednoglasno su, sa 8 glasova „za“, usvojili predloženi dnevni red, čime je konstatirano da 13. sjednica Komisije za izbor i praćenje rada Agencije za prevenciju korupcije i koordinaciju borbe protiv korupcije ima sljedeći

DNEVNI RED

1. Usvajanje Zapisnika 12. sjednice Komisije;
2. Razmatranje Izvještaja o finansijskoj reviziji Agencije za prevenciju korupcije i koordinaciju borbe protiv korupcije za 2012. godinu (sačinilac: Ured za reviziju institucija BiH);
3. Tekuća pitanja.

Ad.1. Usvajanje Zapisnika 12. sjednice Komisije

Članovi Komisije su bez rasprave, jednoglasno, sa 8 glasova „za“, usvojili Zapisnik 12. sjednice.

Ad.2. Razmatranje Izvještaja o finansijskoj reviziji Agencije za prevenciju korupcije i koordinaciju borbe protiv korupcije za 2012. godinu (sačinilac: Ured za reviziju institucija BiH)

Duška Majkić je u uvodnom dijelu navela da je Ured za reviziju institucija BiH dostavio, 10. 7. 2013., Parlamentarnoj skupštini BiH Izvještaj o finansijskoj reviziji Agencije za prevenciju korupcije i koordinaciju borbe protiv korupcije za 2012. godinu.

Iako ih do sada nije razmatrala, prema posljednoj izmjeni i dopuni Zakona razmatranje ovih izvještaja Komisiji je dato u neposrednu nadležnost. S tim u vezi, Komisija, u skladu s članom 18. stav (1), tačka e), na ovoj sjednici razmatra Izvještaj o finansijskoj reviziji Agencije za 2012. godinu, navela je predsjedavajuća Komisije.

Još je navela da su na sjednicu u vezi s ovom tačkom dnevnog reda pozvani direktor Agencije za prevenciju korupcije i koordinaciju borbe protiv korupcije i ovlašteni revizor Ureda za reviziju institucija BiH, koja je učestvovala u izradi ovog izvještaja.

Nataša Timotija, vođa tima za finansijsku reviziju Ureda za reviziju institucija BiH, pojasnila je da, prema Mišljenju Ureda za reviziju institucija BiH, finansijski izvještaji Agencije po svim bitnim pitanjima prikazuju fer i istinito stanje imovine i obaveza, kao i izvršenje budžeta za 2012. godinu, u skladu s prihvaćenim okvirom finansijskog izvještavanja. Finansijske transakcije i informacije prikazane u finansijskim izvještajima Agencije u toku 2012. bile su usklađene s odgovarajućim zakonskim propisima u svim značajnim aspektima.

S tim u vezi zaključila je da Ured za reviziju institucija ne izražava rezervu na svoje mišljenje, ali skreće pažnju na strateško planiranje, koje je navedeno u okviru tačke 4. Izvještaja. Ovakvo isticanje predmeta ima za cilj da institucije na nivou BiH kroz svoje strategije i akcione planove procijene gdje je moguća pojava korupcije, kako bi se ona blagovremeno spriječila.

U raspravi o predmetnom izvještaju iz Komisije učestvovali su: Dušanka Majkić, Niko Lozančić, Sulejman Tihić i Beriz Belkić.

Sead Lisak, direktor Agencije za prevenciju korupcije i koordinaciju borbe protiv korupcije, odgovorio je na pitanja proistekla tokom rasprave. Naveo je da je tokom provođenja revizije poslovanja Agencije postojala korektna saradnja između tima za finansijsku reviziju Ureda za reviziju institucija BiH i menadžmenta Agencije. Pojasnio je da Agencija u izvještajnom periodu nije raspolagala dovoljnim kapacitetima, ali da nakon posljednjeg kadrovskog popunjavanja u Agenciji postoje ljudi koji se bave strateškim planiranjem u Agenciji. Nadalje, pojasnio je odnos dozvoljenih sredstava za internu i eksternu reprezentaciju, navodeći da utrošak ovih sredstava predstavlja, prije svega, pitanje morala, etike i integriteta, te da Agencija nije nikada u punom kapacitetu koristila sredstva koja su joj data na raspolaganje po ovom osnovu. Zaključio je i da je limit korištenja ovih sredstava dodatno smanjen kako za direktora Agencije, tako i za njegove zamjenike i pomoćnike.

Nakon sveobuhvatne rasprave, Komisija je jednoglasno, sa osam glasova „za“, usvojila Izvještaj s mišljenjem Ureda za reviziju institucija BiH sadržanom u njemu.

Ad.3. Tekuća pitanja

U okviru tekućih pitanja Komisija je razmatrala poziv direktora Agencije za prevenciju korupcije i koordinaciju borbe protiv korupcije na Konferenciju pod nazivom: „Antikorupcijska mreža institucija BiH“. Komisija je odlučila da će naknadno odrediti članove Komisije koji će prisustvovati ovoj konferenciji.

Također, Komisija je zadužila Agenciju da sačini i dostavi Komisiji Izvještaj o radu za period 1. 1. – 30. 9. 2013., s posebnim akcentom na dostignuća Agencije u navedenom periodu, u odnosu na podatke prezentirane u Izvještaju o radu Agencije za 2012. godinu.

Sjednica je završena u 15 sati.

Sekretar Komisije
Jovica Katić

Predsjedavajuća Komisije
Dušanka Majkić

Dostavljeno:

- naslovu
- a/a